



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

Izvještaj o radu

Udruženja inženjera i tehničara šumarstva Federacije Bosne i Hercegovine

UŠIT FBiH za 2012. godinu

U skladu sa Planom rada Udruženja inženjera i tehničara šumarstva Federacije Bosne i Hercegovine za 2012. godinu koji je usvojen na X. redovnoj Skupštini UŠIT-a, koja je održana dana 23.03.2012. godine u Zenici, te u skladu sa Odlukama i Zaključcima Predsjedništva, u toku 2012. godine je Udruženje provodilo sljedeće aktivnosti:

Jačanje kapaciteta i unaprijeđenje organizacijske strukture Udruženja

- Izvršena je preregistracija Udruženja u vezi sa nastalom situacijom u vezi promjene sjedišta Udruženja, te je završeno rješenje o promjeni lica ovlaštenih za zastupanje Udruženja.
- U cilju efikasnijeg djelovanja, a u skladu sa odredbama prečišćenog Statuta UŠIT-a, provedena je procedura promjena pečata Udruženja. U odnosu na raniji pečat tj. naziv Udruženja, izbačena je riječ građana iz naziva, a sve u cilju usklađivanja rada Udruženja prema Zakonu o udruženjima i fondacijama FBiH, stvarajući preduslove za efektivnije funkcionisanje i aktivniji rad Udruženja, tj. njegovih organa i komisija.
- Izvršeno je usklađivanje šifre djelatnosti Udruženja u skladu sa novonastalim zakonskim obavezama, te je sa prethodne šifre djelatnosti strukovnih organizacija 91.120, promjenjeno u novu šifru djelatnosti 94.12.
- Izvršeno je gašenje jednog KM i dva devizna računa koje je Udruženje imalo radi lakšeg praćenja finasija i smanjivanja bankarskih troškova. udruženje sada posjeduje samo jedan KM račun.
- Nastavljeno je formiranje komisija udruženja u skladu sa nastalim potrebama (Komisija za projekat fotomonografije „Šume BiH“, Komisija za izradu novog i uništavanje starog pečata itd.).
- Nastavljene su dalje aktivnosti na omasovljenju članstva Udruženja, prije svega podsticanju kolektivnog članstva svih šumarskih institucija, preduzeća i drugih subjekata koji imaju značaj za šumarski sektor. Posebno je potrebno istaći da su Udruženju nastavile pristupati pojedine kantonalne uprve, što kao kolektivni, a što kao pojedinačni članovi Udruženja.
- Udruženje je u skladu sa Planom rada za 2012. godinu potpisalo Ugovor o volontiranju sa studenticom treće godine Šumarskog fakulteta na period od tri mjeseca, kao vid tehničke podrške sekretaru Udruženja.
- U skladu sa mogućnostima Udruženja stalno se vrši update web stranice Udruženja sa aktivnostima i sadržajima, te postavljanjem novih brojeva časopisa „Naše šume“. Sam rad web stranice bi u većoj mjeri bio upotpunjen sa slanjem priloga, obavještenja i novosti iz institucija i preduzeća šumarstva sa područja cijele FBiH.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

- Nastavljena je dopuna jedinstvene baze podataka o članovima Udruženja, te su članske knjižice dostavljene u preduzeća i institucije iz kojih dolaze članovi, da izvrše distribuciju istih članstvu.
- Privodi se kraju jedinstvena baza diplomiranih inženjera šumarstva na području Federacije BiH sa podacima i ista će biti objavljena i dostavljena članstvu u tekućoj godini.
- Ni 2012. godina, kao ni prethodna nije bila u znaku kvalitetnije saradnje sa Hrvatskim šumarskim društvom Mostar, uprkos nastojanjima Predsjedništva da održi dugogodišnji kontinuitet. Časopis Naše šume iako u smanjenom tiražu je uredno dostavljan Hrvatskom šumarskom društvu Mostar. Časopis je kao i prethodne 2011. godine, isti u cjelosti tehnički pripremljen i finansiran isključivo sredstvima Udruženja. Hrvatsko šumarsko društvo Mostar je redovno dostavljalo Udruženju određeni broj primjeraka časopisa Šumarski list iz Hrvatske.
- Nije bilo značajnijih aktivnosti u radu Savjeta šumarskih udruženja Bosne i Hercegovine. Većina aktivnosti se svodila na korespondenciju u skladu sa potrebama i zahtjevima.
- Udruženje je produžilo Ugovor o zakupu poslovnih prostorija na Šumarskom fakultetu do 31.12.2013. godine po istim uslovima i cjenama kao i prethodne godine.

Osiguranje stabilne finansijske konstrukcije za funkcioniranje UŠIT-a

- Izvršeno je potpisivanje i realizacija bilateralnih ugovora o kolektivnom članstvu sa preduzećima šumarstva i ostalim zainteresiranim pravnim licima, te je značajno istači doprinos JP „ŠPD ZDK“ što kroz kolektivnu, što kroz pojedinačnu članarinu, kao i ŠPD-a „Srednjobosanske šume“, koje su nakon izvjesnog vremena ponovno se uključile u sistem kolektivnog članstva i finansiranja časopisa „Naše šume“.
- Izvršeno je potpisivanje Ugovora za projekat sa federalnim Fondom za zaštitu okoliša u cilju izrade Fotomonografije šuma Bosne i Hercegovine, čija se finalizacija očekuje u septembru 2013. godine. Udruženje je dostavilo poziv institucijama i pojedincima da dostavljaju svoje fotografije za navedenu monografiju, te je prikupljeno oko 2.000 fotografija od 13 autora, koje će petočlana Komisija Udruženja pripremiti i objaviti u monografiji.
- U toku 2012. godine Udruženje nije apliciralo na međunarodne projekte, već su nastavljeni postojeći međunarodni projekti sa kolegama iz Turske.
- Udruženje je u toku 2012. godine apliciralo na dva projekta. Jedan je odobren na federalnom nivou sa Fondom za zaštitu okoliša, dok je drugi predloženi ekološki projekat, koji je pripremljen sa studentima Šumarskog fakulteta, na kantonalnom nivou (Ministarstvo prostornog uređenja KS) odbijen.
- Članovi Predsjedništva Udruženja i sekretar su vršili intenzivne kontakte sa društveno odgovornim javnim i privatnim preduzećima u cilju osiguranja sponzorstva, donacija i finansijske podrške za rad Udruženja.
- Zahvaljujući kolektivnim i pojedinačnim članarinama, angažmanu članova Predsjedništva i sekretara Udruženja, izvršena je polovinom godine finansijska konsolidacija i stvorene pretpostavke za dalji rad uz pozitivan finansijski rezultat. Udruženje iz godine u godinu bilježi pad prihoda, a samim tim i



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

rashoda, što se može vidjeti iz finansijskog izvještaja. U cilju obezbjeđenja kontinuiranih prihoda za funkcionisanje i rad UŠIT-a, a uvažavajući prijedloge sa zadnje Skupštine, Predsjedništvo je izvršilo i rezanje ili ukidanje određenih troškova Udruženja, što je rezultiralo dobrim domaćinskom odnosom i pozitivnim rezultatom, te redovnom izmirivanju plate sekretaru Udruženja, obaveza i doprinosa.

- Kroz niz bilateralnih sastanka sa kolektivnim članovima, realizirano je izmirenje zaostalih obaveza pojedinih kantonalnih preduzeća po ranije potpisanim Ugovorima.
- Udruženje zbog otežanog finansiranja nije bilo u mogućnosti realizirati program stipendiranja studenata šumarstva i učesnika srednjih šumarskih škola.
- Na osnovu Odluke Predsjedništva Udruženja, finansirani su troškovi direktora Instituta za topole generalne direkcije za šumarstvo Republike Turske za učešće na IUFRO konferenciji koja je održana u Sarajevu.
- Finansirani su članovima Udruženja troškovi prevoza (kombi) na EFNS, dok su sve ostale troškove snosili učesnici.
- Redovno su finansirana dva dvobroja časopisa „Naše šume“.

Uključivanje Udruženja u aktuelna pitanja u vezi šumarstva, jačanje saradnje na nacionalnom i međunarodnom nivou i unaprjeđenje šumarske struke

- Udruženje se kao i prethodnih godina u više navrata, pismenim putem obraćalo nadležnim institucijama izvršne i zakonodavne vlasti u Federaciji BiH, izražavajući duboku zabrinutost povodom trenutnog stanja u oblasti šumarstva na nivou Federacije Bosne i Hercegovine, te negativnim posljedicama koje isto može izazvati. U tim dopisima, Udruženje je svaki put izražavalo spremnost da sve svoje kapacitete stavi na raspolaganje i konstruktivno saraduje sa svim relevantnim subjektima u oblasti šumarstva, zakonodavnom i izvršnom vlašću, nevladinim sektorom, naučno-obrazovnim institucijama i međunarodnim organizacijama u cilju izrade i hitnog donošenja adekvatne zakonske regulative koja bi omogućila očuvanje šumskih resursa i unaprjeđenje razvoja sektora šumarstva u Federaciji Bosne i Hercegovine. Nažalost, ovi dopisi Udruženja dosada nisu rezultirali nikakvom reakcijom od strane onih kojima su bili upućeni.
- Nastavljeno je kontinuirana korespondencija sa Generalnom direkcijom za šume Republike Turske, kao i TIKA-e (Turske agencije za razvoj i saradnju) što je rezultiralo završetkom jednog i aktivnim nastavkom drugog projekta.
- Prvi projekat sa kolegama iz Turske bio je donacija protivpožarnih vozila i opreme iz Republike Turske, što je okončano ličnom donacijom premijera Republike Turske, koji je prilikom zadnje posjete Bosne i Hercegovini, putem video linka ispred sarajevske katedrale, donirao navedena vozila i opremu Šumarstvu „Prenj“ Konjic i ŠPD-u „Unsko-sanske šume“. Udruženje je izvršilo prijem vozila i opreme na carinu, te u organizaciji sa TIKA-om, preduzećima šumarstva i špediterom korespondiralo, kako bi preduzeća imala što manje obaveza oko carinske administracije, te izvršilo u saradnji sa TIKA-om, BH carinom i državnim servisom BHRT-om, sve potrebne pripreme za omogućavanje satelitske konekcije prilikom uručivanja vozila putem video linka.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

- Nastavljena je aktivna saradnja na realizaciji drugog projekta: „Park šume Prijateljstva“, na kojem su angažirane kolege iz „Sarajevo šuma“, dok je Udruženje preuzelo ulogu učesnika i korespondencije sa Turskom i TIKa-om. Dobijene su sve potrebne dozvole, projekat je kao takav dostavljen u Tursku, te se očekuje dolazak Turskih stručnjaka i finalizacija projekta u toku 2013. godine.
- Udruženje je bilo domaćin i dekanu Šumarskog fakulteta Kastamonu, Republika Turska, koji je zajedno sa našim članovima uzeo učešće na IUFRO simpozijumu koji je održan u Sarajevu.
- Članovi Udruženja su uzeli učešće kao takmičari i učesnici na 44. EFNS-u koje je održan u Todtnau, Republika Njemačka čime je nastavljena dugogodišnja tradicija učešća našeg članstva na ovom prestižnom međunarodnom šumarskom takmičenju, koje pored sportskog ima i edukativni karakter.
- U saradnji sa studentima Šumarskog fakulteta pripremljen je projekat sa ciljem ekološke edukacije djece i omladine, postizanja efekata šumarske pedagogije i promoviranja značaja šuma i uloge šumarske struke, koji nažalost nije odobren od strane Ministarstva prostornog uređenja KS.
- Nastavljeni su razni oblici saradnje (intervjui, prilozi i sl.) sa medijima, radi unaprijeđenja odnosa s javnošću i promoviranja značaja šumskih resursa i šumarske struke u javnosti.
- Na osnovu svega navedenog, Udruženje je izrazilo spremnosti da konstruktivno saraduje sa svim relevantnim subjektima u oblasti šumarstva u zemlji i inozemstvu u cilju očuvanje šumskih resursa i unaprijeđenja razvoja sektora šumarstva u BiH i promociji šumarske struke u javnosti.

Izdavačka djelatnost, stručni radovi, obrazovanje, seminari i savjetovanja

- Uprkos otežanoj finansijskoj situaciji, izdata su dva broja časopisa Naše šume, pri čemu je evidentno konstatno unaprijeđenje u tehničkom i sadržajnom smislu, te je izvršeno redizajniranje časopisa, umanjeni su troškovi grafičke pripreme časopisa, smanjeni su troškovi štampanja časopisa smanjivanjem tiraža, kao i štampanjem časopisa na jeftinijem, manje kvalitetnijem papiru, te je promjenjen i grafički urednik časopisa. Kao i prethodnih godina evidentno je slabo dostavljanje članaka od kolega sa terena.
- Realizovan je projekat prevoda i štampanja knjige „Šume i javne ustanove u BiH“ autora L. Dimitza. Knjiga je promovisana u Travniku, a promocija je organizovana u saradnji sa Općinom Travnik i Upravom za šumarstvo SBK, te je podjeljena određenom broju članstva, a bit će uručena i svim delegatima koji budu prisustvovali na XI. Redovnoj Skupštini Udruženja.

Stručne ekskurzije i međunarodna saradnja

- Započete se aktivnosti na produženju Memoranduma o saradnji sa Generalnom direkcijom Turskih šuma, koji je istekao. Pripremljena je draft verzija novog Memoranduma i nakon usglašavanja sa kolegama iz Turske i Turskom ambasadam u Sarajevu, planira se potpisati u toku 2013. godine.
- Organiziran je doček kolega iz Turske u dva navrata, uz predstavljanje šumarstva BiH, kao i kulturnih i prirodnih znamenitosti naše domovine.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

- Održan je sastanak sa predstavnicima Finske ambasade iz Budimpešte po pitanju mogućnosti realizacije određenih projekata koje finska Vlada planira realizirati na Balkanu.
- Neophodno je naglasiti da je Udruženje imalo ključnu ulogu u svim aktivnostima na realizaciji međunarodne saradnje u kojima su ravnopravno učestvovali članovi svih šumarskih strukovnih udruženja u BiH. Bez nesebične materijalne i tehničke pomoći svih kolektivnih članova, kao i drugih prijatelja Udruženja, realizacija ovih aktivnosti ne bi bila moguća.

Sve navedene aktivnosti realizovane su uz značajna finansijska ograničenja i manji budžet, imajući u vidu aktuelnu ekonomsku situaciju u BiH i stanje u sektoru šumarstva.

Predsjedništvo

Udruženja inženjera i tehničara šumarstva FBiH